

TIADA PENALTI DALAM TAHUN PERTAMA PELAKSANAAN SISTEM TAKSIR SENDIRI DUTI SETEM

Selaras dengan pelaksanaan Sistem Taksir Sendiri Duti Setem (STSDS) Fasa 1 yang akan bermula pada 1 Januari 2026, HASiL ingin memaklumkan bahawa tiada pengenaan penalti ke atas surat cara yang disetamkan di bawah STSDS bagi kesalahan mengemukakan Borang Nyata Duti Setem (BNDS) yang tidak betul atau kesalahan memberikan apa-apa maklumat yang tidak betul atau tidak tepat berhubung dengan apa-apa perkara yang memberi kesan kepada pengenaan duti.

Tempoh konsesi khas tiada pengenaan penalti ini adalah terpakai kepada **permohonan penyeteman yang dikemukakan mulai 01.01.2026 hingga 31.12.2026.**

Pemberian konsesi khas ini dilaksanakan sebagai satu langkah pendidikan dan sokongan peralihan bagi memupuk kesedaran serta menggalakkan pematuhan secara sukarela dalam kalangan pembayar duti, dan dalam masa yang sama menyediakan tempoh yang mencukupi untuk para pembayar duti memahami prosedur yang ditetapkan dan melaksanakan penyeteman sendiri secara elektronik dengan berkesan.

Konsesi khas ini turut terpakai terhadap apa-apa kesalahan di bawah subseksyen 72D(2) Akta Setem 1949 yang dikenal pasti melalui sebarang penemuan audit yang dijalankan sepanjang tempoh konsesi khas ini.

Selain itu, bagi memastikan kelancaran pelaksanaan STSDS, Sistem e-Duti Setem telah dibuka untuk akses awal kepada pembayar duti melalui portal MyTax bagi memberi ruang kepada para pembayar duti menjalankan pengujian dan membuat persediaan yang sewajarnya.

Sekiranya pembayar duti menghadapi apa-apa masalah berkaitan perkara ini, pembayar duti boleh menghubungi:

- a) HASiL Contact Centre (HCC) di talian 03-8911 1000 / 603-8911 1000 (Luar Negara);
- b) HASiL Live Chat; dan
- c) Borang Maklum Balas di portal rasmi HASiL di pautan pantas <https://maklumbalaspelanggan.hasil.gov.my/Public/>

SEKIAN, TERIMA KASIH.

RISE BEYOND LIMITS

Dikeluarkan oleh:

Jabatan Khidmat Korporat
Lembaga Hasil Dalam Negeri Malaysia
HASiL Contact Centre: 03-8911 1000 / 603-8911 1000 (luar negara)
Portal Rasmi : www.hasil.gov.my

Tarikh: 21 Disember 2025